



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De concupiscentia, & quòd malis cupiditatibus obsequendum non sit. cap.  
xxvii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)



Deut. 5.



ON concupisces vxorem proximi tui, non domum, non agrum, non seruum, non ancillam, non bouem, non asinum, & vniuersa quæ illius sunt.

2. Reg. 23.

Et desiderauit Dauid aquam de lacu, & ait: O si quis daret mihi potum aquæ de cisterna, quæ est in Bethleem iuxta portam! Iruperunt ergo tres fortes castra Philistinorum, & hauserunt aquam de cisterna Bethleem, quæ erat iuxta portam, & attulerunt ad Dauid. At ille noluit bibere, sed eam libauit Domino, dicens, Pro-

Pro. 13.

Lignum vitæ desiderium bonum.

Eccli. 18.

Post concupiscentias tuas ne eas: & à voluntate tua auertere. Euagatio concupiscentiæ transfert mentem simplicem.

Mat. 5.

Quicumque uiderit mulierem ad concupiscendum eam, iam mœchatus est in corde suo.

1. Io. 2.

Omne quod in mundo est, aut est concupiscentia carnis, aut concupiscentia oculorum, aut superbia vitæ, quæ non est ex Patre, sed ex mundo est.

1. Pet. 2.

Obsecro vos, tanquam aduenas & peregrinos, abstinere à carnalibus desideriis, quæ militant aduersus animam.

Chrysoft.

Ego opifex figmento meo concupiscentiam indidi: proindeque naturalem motum minimum criminor. Neque enim dico, Non concupisces. Non eius, quod rectè satum est, radicem auello: verum adulterinas corruptæ stirpis fibras elido atque amputo. Non igitur dico, Concupiscentiam ex animo extirpa: sed adulterinæ affectionis pullulantes adhuc stolones excindo. Ecquis bonæ terræ zizania inasperit? Bonum semen seminavi: unde exitiosa zizania prodierunt? Extere, conculca, profoca malum semen: & non erit cur crescentibus zizaniis labores. Quicumque conspexerit mulierem ad concupiscendum eam, iam mœchatus est in corde suo.

Mat. 5.

simile.

Vt passerem nil pennæ iuuant, cum laqueo interceptus est, verum frustra atque incassum eas gerit: ita nec tibi quicquam prodest ratione præditum esse, si ab improba concupiscentia expugneris, verum, quantumlibet salutes, captus tamen teneris. Hac de causa passeribus alæ sunt, ut laqueos vitent: hac itè de causa hominibus ratio, ut peccata effugiant.

## De peccatis inuoluntariis.

## CAP. XXVIII.

Exod. 21.



VI percusserit hominem volens occidere, morte moriatur. Qui autem non est insidiatus, sed Deus tradidit illum in manus eius, constituam ei locum, in quem debeat fugere.

Luc. 21.

Ille seruus, qui cognouit voluntatem domini sui, & non fecit secundum voluntatem eius, vapulabit multis. Qui autem non cognouit, & fecit digna plagis, vapulabit paucis.

1. Tim. 1.

Gratias ago ei, qui me confortat, Christo, quia fidelem me existimauit, ponens in ministerio, qui prius blasphemus fui, & persecutor, & contumeliosus. Sed misericordiam consecutus sum, quia ignorans feci in incredulitate. Superabundauit autem gratia Domini nostri Iesu Christi cum fide & charitate in Christo Iesu.

Heb. 10.

Voluntariè peccantibus nobis post acceptam cognitionem veritatis, non iam relinquitur hoistia pro peccatis, sed terribilis quædam expectatio iudicij, & ignis zelus, qui deuoraturus est aduersarios.

Peccata,